

La doturia Grete Mahlknecht é demez dai 16 de jügn ai 03 de messé
y vëgn sostituida dal dotur Eduard Agreiter 0474 523 315 / 333 13 80 852.

L'apoteca „Pütia“ a Picolin sará stlûta dai 3 ai 10 de messé.

PLOANIES SAN MARTIN Y LUNGIARÛ

En dedemesaledema/mercuì, ai 29 de jügn, festa de San Pire y San Paul:
dales **7.30 prozesciun sö la Crusc** da San Linert
dales **9.30 mëssa tla dljia dla Crusc**
cina les **15.00 ores d'adoraziun** acompagnades da don Francesco
Scalmati, miscionar dla misericordia

SAN MARTIN

I JOGN DA SAN MARTIN: En domënia, ai 03 de messé ciantunse la gran mëssa
cun le cor di jogh. Al gnará tigní l'oferta de benefiziënza por n proiet tla
Bolivia. La Sara da Picolin spligará ince en cört y cun fotografies ci che ara á fat
laia y de ci proiet ch'al se trata avisa.

Jogn y jones danter 13 y 19 agn che ó se scrí ite al proiet “JABA 2016” (por
daidé fora te istituziuns publiches tratan l'isté) pó le fá tl ofize dl Sorvisc ai jogh a
Picolin dal lönesc ala jöbia dales 8.00 -12.00 y dales 13.00 ales 17.00 o tl zënter
dla jöneza SaJ.un a La Ila tratan i orars de daurida. I jogh sot a 18 agn mëss se
presenté cun n genitur ala iscriziun! Info: Christiane 342 84 10 721.

Les Uniuns sportives dl comun mët a jí n **curs sportif** (nodé, adventure park, jüc)
por mituns y mitans **dl'elementara tratan l'isté**. Le curs gnará tigní indöt 14 iadi
y metará man ai 5 de messé. Le cost é de 110 € por i tessará dl'uniun dl sport.
Al gnará ince tigní n curs por mituns y mitans **dla mesana** di comuns da San
Martin y da La Val. Al metará man ai 5 de messé, tres danmisdé, por 13 iadi.
Le cost é de 130 €. Por info y iscriziuns (por trami i curse) pro Davide Moling
340 50 90 762 cina ai 30 de jügn. Trasport cun auti privac y cun corieres.


Döt le bun a chi che complësc i agn de messé

a San Martin:

Pire Ploner che nen complësc 89 ai 1
Pire Vanzi che nen complësc 84 ai 3
Angelina Vanzi Baldissera che nen complësc 87 ai 4
Giovanni Unterweger che nen complësc 84 ai 26
Oliva Pedevilla che nen complësc 85 ai 29
Pire Unterweger che nen complësc 81 ai 31

a Lungiarü

sr. Sofia Clara che nen complësc 81 ai 3



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

26.06. - 03.07.16 nr. 31

termo da publiché: jöbia 20.00
radio: 90,40 / 93,70

13^a DOMËNIA IA POR L'ANN - C

Vangele do San Lüca 9,51-62

Canche Gejú jô inant por so tru,
ti à n ël baié ados a Gejú y à dit:
I ô te gni do indlunch olache te vas.
Gejú ti à respognü:

Les olps à sües tanes y i vici sües coes;
mo le Fi dl Om n'á degun post
olach'al po lascè jö so ée.

A n ater ti ál dit: Vi do a mé!

Al à respognü:

Làsceme jì denant a cíasa a sopoli mi pere.

Gejú ti à dit: Lascia i moré sopoli sù moré;
tö indere va y incünda le règn de Dî!

N ater indô à dit: I ô te gni do, Signur.

Mo denant làsceme tó comié da mia familia.

Gejú ti à respognü: Degun, che à pié ite la cadria y cíara derevers,
ne n'é da val' por le règn de Dî.



„Ti jí do a Gejú“ n'é nia tan val' por d'atri, mo dantadöt val' por me.
Y deache iö sun invié da ti jí do, mëssi me mëte le ce apost y odëi
tan tröp ch'i sun arjigné da tó sön me, y tan consecuënt ch'i sarun bun da ester.
Les parores de Gejú pó soné radicales, döres y fora de mosöra.

Les trëi scenes tl vangele da incö n'é nia da tó ala parora,
mo ares me dá na indicaziun coch'i mëssi ciaré da ti jí do a Gejú:
Ti jí do a Gejú pó ince comporté sacrifici, bries, renunzies, incomprenjiuns.
Ti jí do a Gejú n'é nia na dezijiun ch'i po sburlé iaifora a canch'ara m'öga.
Ti jí do a Gejú ó dí ciaré inant y ne sté nia a ponsé do ci ch'i ess da perde.

Gejú n'ó nia strënje ite mia liberté y m'invie a na vita de sacrifici,
Gejú á val' deplü imënt, al á imënt le Règn de Dî,
porchël adorel porsones che ti vá do.

	SAN MARTIN		LUNGIARÜ
26.06.16 13^a DOMËNIA – ANN C	9.00 Corona por le defunt Edmund Frenner 9.30 Gran Mëssa cun pordica de don Francesco söla Misericordia Divina y benedisciun dl tëmp en onur de San Jan Batista <i>Oferta por la ciarité dl Papa (Peterspfennig)</i> 19.30 Corona al Cör de Gejú sö Ju	26.06.16 Domënia	7.55 Corona 8.15 Gran Mëssa cun pordica de don Francesco söla Misericordia Divina y benedisciun dl tëmp <i>Oferta por la ciarité dl Papa (Peterspfennig)</i> 15.00 Corona tla capela da Seres
27.06.16 Lönesc <i>Hemma von Gurk, Ziril</i>	7.30 Mëssa + Giovanni Trebo, Tor por les Animes	27.06.16 Lönesc	
28.06.16 Dedolönesc <i>Ireneus, Ekkehard</i>	7.30 Mëssa fam. Elena Zingerle + + + Nane, Arcangel, y Monica Zingerle + Doro Verginer	28.06.16 Mertesc	
29.06.16 Dedemesaledema <i>San Pire y San Paul</i>	7.30 Prozesciun da S. Linert sö La Crusc (por düc) 9.30 Mëssa solëna y ores d’adoraziun a chëres ch’an pó jì pomez y tó pert canchessî 15.00 Benedisciun y conclujiun	29.06.16 Mercui	7.30 Mëssa + Pire Mischi dl ann + Agostin Daporta
30.06.16 Jöbia <i>Pröms Martiri da Roma</i>	7.30 Mëssa + Paul Graffonara + + Tolpeit, Ju Corona por vocaziuns	30.06.16 Jöbia	7.30 Mëssa + Franz Pezzei, Ghestang en onur de San Cristofer y San Florian
01.07.16 Vëndres <i>Theoderich, Dietrich</i> Pröm Vëndres	10.00 Comuniun ai amará 19.30 Adoraziun 20.00 Adoraziun chita	01.07.16 Vëndres	7.30 Mëssa en onur de San Cristofer + + Giovanni y Sabina Clara por les Animes
02.07.16 Sabeda <i>Vijita de Santa Maria a Elisabeta,</i>	15.30 Mëssa tla Ciasa de Palsa 18.30 Mëssa prefestia + Irene Prousch a d’intenziun de Sepl Flöss por les Animes	02.07.16 Sabeda	20.00 Mëssa prefestia a Sant Antone por famëis y ciaussa te munt fam. Pio Clara de rengraziamënt + Matia Clara
03.07.16 14^a DOMËNIA – ANN C	9.00 Corona 9.30 Gran Mëssa cun i jogn dla cöra y benedisciun dl tëmp <i>l’offerta vá a benefizënza por la Bolivia</i>	03.07.16 Domënia	7.55 Corona 8.15 Gran Mëssa y benedisciun dl tëmp 15.00 Corona tla capela da Seres